

più propinquo. *Item*, scrive altri colouij con cardinali etc.

Fu posto, per li savij ai ordeni, conzar l'incanto di le galie di Fiandra, *videlicet* crescer per galia certa summa di danari, *ut in ea*. Contradixie sier Hironimo da cha' da Pexaro, è di pregadi, *quondam* sier Beneto, procurator, qual fo capitano di le galie di Fiandra, dicendo era meo indusiar a questo zener etc.; et poi intrò in justificar le cosse dil *quondam* suo padre, per la parte presa di retener e chiamar il suo scrivano. Et li rispose sier Piero Antonio Morexini, savio ai ordeni; et poi sier Hironimo Capello, savio a terra ferma, messe indusiar; et fu preso l'incanto de largo.

Fu fato scurtinio di 3 savij dil consejo: rimaseno sier Nicolò Foscarini, sier Marco Antonio Morexini, cavalier, procurator, et sier Piero Balbi, qual ancora non è zonto, vien di Cypro. *Item*, 3 savij di terra ferma: sier Francesco Bragadim, sier Domenego Malipiero et sier Marin Zustinan, tutti con titolo.

A dì 31. La matina, in Rialto, li consieri veneno a incantar le galie di Fiandra, et non trovano patrom.

È da saper, domino Francesco Argentino, nontio dil papa, venuto qui per caxon dil vescoado di Cremona, à 'uto audientia dal colegio, et poi si parti, senza aver otenuto 0.

149

Dil mese di april 1506.

A dì primo april. Intrò a la banca tre consieri nuovi: sier Antonio Trum, sier Piero Duodo, et sier Anzolo Trivixan. *Item*, li savij electi in colegio, *excepto* sier Marco Antonio Morexini, el cavalier, procurator, amalato, sier Piero Balbi, vien luogo tenente di Cypro, non zonto ancora, et di terra ferma, sier Domenego Malipiero, per egritudine. Era capi di X: sier Nicolò Donado, sier Piero Marzello et sier Andrea Loredan. Da poi disnar fo colegio, et reduto, non il principe, ma consieri, et savij, *ad consulendum*.

A dì 2. Vene in colegio sier Jacomo Trivixan, venuto podestà di Ravena, et referi. Vene il principe in colegio, che fin horra è stato amalato im palazzo; stè pocho. *Item*, vene l'orator dil ducha di Ferrara, nominato domino Sigismondo Saninben, doctor, qual è existente qui. Et *etiam* vene sier Hironimo Donado, doctor, qual è existente qui, et *etiam* sier Hironimo Donado, doctor, qual per la Signoria nostra fo deputato andar a meter li confini tra la Signoria e il ducha di Ferrara, sul territorio di Ravena verso

Lugo e Bagna Cavallo, stato con domino Girardo dal Sarasin, doctor, deputato per il ducha di Ferrara; et referi esser stà posto d'acordo li confini, et il ducha molto contento; et che la Signoria vien aver auto assa' possession e valle, che ferasesi usurpava, ch'è di la juridition di Ravena, forssi mia 3. *Item*, l'orator di Ferrara disse, il suo ducha voleva venir a inchinarsi a la Signoria nostra, perchè el vol andar in Spagna, a San Jacomo di Galicia, a far uno suo voto, et vol esser bon fiol nostro.

Da poi disnar li consieri, et savij, deteno audientia.

A dì 3. Fo pregadi. Et fo leto le infrascripte letere:

Di Elemania, di sier Piero Pasqualigo, doctor et cavalier, orator nostro. Zercha la venuta dil re di romani in Italia etc.

Di Franza, di sier Alvixe Mozenigo, el cavalier, orator nostro, date a Nulla da conto, colouij abuti etc.

Referi sier Hironimo Donado, doctor. Fo laudato dal principe, et posto, per il colegio, tutti quelli termini à posto sia ben posti. *Item*, è da saper, fo terminato in colegio, che sier Alvixe Loredan, soracomo, qual armava, et si dovea partir, lo aspetasse per condurlo al suo rezimento, ducha di Candia.

Fu posto, per li consieri, un salvo conduto a Domenego e Garzon di Garzoni, fioli di Andrea, *olim* dal banco, *ad beneplacitum Domini*; preso.

Fu posto, atento il ducha di Ferrara sarà doman qui, che se li dagi ducati 25 al zorno per spexe. *Item*, terminò che li consieri, per non sentirsi il doxe, con il senato, li vadi contra, fino a Santo Antonio, con li piati; et chiamato zenthilomeni per mandarli contra a Malamocho, quasi tutti di pregadi.

Fu posto, per sier Thadio Contarini, savio di terra ferma, certa parte zercha li debitori, *ut in ea*; et non siano depenati di palazzo, si non arano satisfato il tutto; et li boletini si scontrano in colegio etc. Ave 69 di no, 71 de si; et fu presa, si che una balota che voltava non si perdeva. La qual parte non laudo per molti respeti, qual al presente non li dico.

Restò consejo di X suso, et fo licentato el pregadi. È da saper, in questi dì, per il consejo di X, fu preso dar a li frati di San Salvador ducati 6000 di contadi, havendo credito al sal di questo milesimo, perchè voleno refar la chiesa e farla bella e nuova.

A dì 4. Da poi disnar gionse il ducha Alfonso 149* di Ferrara in questa terra, partito questa matina di Chioza e venuto in un zorno di Ferrara li. Et era con lui sier Sabastian Zustinan, el cavalier, vicedo-